

■ GLOSSA

Ego sum pauper. Bursa vida

DA SILVIO CAMENISCH

Ego sum pauper. Jau sun pauper. Fitg fitg pauper. Jau hai spendì tant daptut e per dal tut. Tuttas stizuns, tuttastitutziuns han vulì da mai ina bella spenda ed era las medias. Medienleute und Medienmeute. Han operà cun las temas da la fin dal mund plus. Plus la nauscha conscienza. Ussa di, è quai catolic? Jau m'hai laschà provocar da spender. Ina giada, duas giadas, trais giadas l'emna hai jau ma laschà. Lura hai jau gì bursa vida. Sas tge merda, qua cun bursa vida e puspè less insatgi ina bella spenda.

Jau dastg schon dir tranter nus, senza ma far da grond ed impurtant: Jau hai spendì sin fitg aut nivel. Mintga dagut ha dumbrà e mintga rap ha quintà. Ussa has ti mirveglias, nua che mias bellas spendas en idas, tuttast. Na sai jau mez betg, nua che tuttast en idas. Quellas rimnaspensas e gidantras prendan giu tia bella spenda ed èn pront si e davent. Quellas na ston betg dir a mai, il spender, implicit explicit, nua ch'ellas en idas cuntut. Jau tir la curta, rest qua cun ils mauns vids. Also mes burs vid hai jau anc, grazia.

Jau hai spendì als basignus e fissgugent, sin fitg aut nivel. Crap S. Gion e chastè da Riom plus: uigl da las soras. Il chantun è



gea racher, uah, è quel uss racher! Hai jau gì in cor per ils mainafatschenta, CEOs, hai spendì. Jau m'hai laschà provocar. Fa schon mal, bursa vida uschia, suenter tia spenda. E mintga dagut ha dumbrà e mintga rap ha quintà. Ma sa paja eticamain e moralmain dad era esser bunuman. Gutmensch. Auters en er. Il chantun n'è betg, bunuman, quel è gea racher, e sin fitg aut nivel professional.

Jau hai spendì ina bella summa en favur da la «revoluziun al culm chasa». Al museum «Guggenheim» previs sin il Crap hai jau dà giu mia spenda. «Quei ei miu crap, hai jau artau da miu bab, spendesses schon era? Mintga rap quenta e mintga daguot dumbra.» Bursa vida. Uah, ma sent jau levgià, hai jau dà giu mia bella spenda a la gidantra, voluntaria, en la cuppina. Jau hai dà giu tantas spendas, retegnì naginas. Hai jau ussa da bun

la «benemerenti» da spender? Jau less mes bul en mes testat, muss jau al chantun. Il chantun sa sera in extremis da spender 500 000! sin fitg aut nivel. Tge èsi cun quel? Tema da survegnir asma si qua u tge?

Ègist che jau hai spendì En in chastè da Versailles da Federers ed entourage sin aut nivel da Lai. Custa insatge. Mintga rap quinta e mintga dagut dumbra. Il chantun è fitg racher. Als dus Jesumessias dal «Miracul blau» e da gieus olimpics alvs hai jau dà giu ina spenda. So, a l'editura hai jau gist spendì. En chasa a fit, tar ella e cun ella, hai jau dà giu mia spenda. Qua, mes bul. Ego sum pauper. Bursa vida. N'encrescha betg mai. Almain bunuman, Gutmensch, è er insatge.

Al'intendant querulant Wolfram da la Postremise n'hai jau betg dà. Quel ha bittà vin sin la, co duess jau dir: Obrigkeit. È la bella cussegliera Doris vegnida tut tut bletscha! Bah. Il chantun n'ha betg dà. È gea racherun. Tema da stuaire sanganar, da dadens anor, per ina pitschna spenda. Mez milliun. Spendessas tut a la noblezza si qua, na stuessas nagut a la plebaglia, il Pöbel, giu là. So chantun, ve ussa! Quai che ti has dà als gronds tranter nus, na ston betg als pitschens.